



5. februar 2020

Inatsisartut Suleriaasianni § 37 imm. 1 naapertorlugu Naalackersuisunut apeqquutit imaattut matumuuna saqqummiuppakka:

**Naalackersuisunut apeqquutit:**

- 1) §37 naapertorlugu apeqquummut 365-2019-imut akissuteqaammi ersippoq taartaasartunik atuinnermut aningaasartuutit 2018-imi kr. 51.323.629-niit 2019-imi kr. 36.691.933-nut appariarsimasut. Naalackersuisut sipaaruteqarsimaneq iluatsilluarnertut isigaat?
- 2) Allanguallaatit ersersinniarlugit Naalackersuisut akissutaanni sulisunut atorfilinnut sipaarutit qanoq isumaqarsimangersut paaserusuppakka. Akissummut tassunga ukiut 2016, 2017, 2018, 2019-ilu paasisaqarfigerusuppakka:
  - 2a) - SHV-mi napparsimalluni sulinngitsoortarnerit
  - 2b) - ukiuni taakkunanni nakorsatut peqqissaasutullu suliffiit qassit sulisussaqaartinneqarsimannginnerisut. (Sivikitsumik sivisunermilluunniit taartaasimasut kisitsisini uani ilanngunneqassanngillat, tassa qassit atorfilittaanersut kisitsisini ilumoortuunerisut takorusullugit)
  - 2c) - overtime-qarnermi aningaasartuutit, ulluni sulinngiffeqarnerni annaasaqarnerit, aningaasartuutillu allat isumaqatigiissutaasumit sulisut 40 tiimit sinnerlugit sulisarneranni toqqaannartumik attuumassuteqartut.
  - 2d) - piffissami tassani sulilernermi suliunnaarnermilu angalanermut aningaasat qanoq amerlatigisut atorneqarsimappat?
- 3) Qanga kingullermik MTU-liortoqarsimava (Medarbejdertilfredshedundersøgelse), taannalu qanoq innerneqarsimava?
- 4) Ittoqqortoormiuni Paamiunilu piffissami sivisuumik nakorsaqaartitsisinnaasimannginneq qanoq kinguneqarsimava?
- 5) Naalackersuisut peqqinnissaqarfimmi sulisoqaannarniarneq siuarsarniarlugu sulinermi avatangiisit misissornissaanut soqutiginnippat, aammalu Naalackersuisut peqqinnissaqarfiup aqutsisuisa sulisussarsiornermut sulisoqaannarniarnermullu iliuusissatut pilersaarutaat malinnissaanut suliniuteqarpat?
- 6) DIH-mi atorfilittat aqutsisui suliassamut piginnaasai qanoq ippat, aammalu aningaasarsiasanut missingersuutit qanoq annertutigisut atorneqarnissaat nalilernerneqarsimappat?
- 7) §-37 apeqquummut 314/2019-imut akissummi aamma eqqaaneqarsimasoq sulisussanit nunanit allaneersunit sulisussaqaarfiit misissornissaat periarfissarsiornissamullu paasiniaanissaq sumut killippa?

(Inatsisartunut ilaasortaqaq Anna Wangenheim, Demokraatit)

**Tungavilersuut**

DIH-mi allanngortitsinermi suliaq malitsigisaanni atorfilittat aqutsisuinik amerlanernik sulisoqalernermi kinguneqartitsisimavoq. Atorfinitsitsinerit massakut naammassineqarsimapput. §37-apeqqummut 314/2019-imut akissummi tassunga aningaasartuutissat nalilersorneqarsimannginnerat erserpoq.



Akissummi tunngavilersuutigineqarpoq taamaalinikkut sulisussarsiorniarneq sulisoqaannarniarnerlu siuarsaavigineqassasut.

DIS aamma Ittoqqortoormiuni Paamiunilu sulisoqarniarnermi akisussaapput.

Naalackersuisut sipaarniarfiit ingerlanneqartut sulinermi avatangiisinut peqqinnissaqarfimmilu ineriartornermi oqimaaqatigiissaarinerat piumavara, aammalu overtime-qarnermi aningaasartuutit, ulluni sulinngiffeqarnerni annasaqarnerit assigisaallu, taakkua suliffinni ataasiakkaani sulisussaaleqinermit takussutaasinnaammata, tassami paarsisuusarnerit inuttalersorniarlugit sulisuusut ilaatigut sulinerusariaqartarmata.

Taassumallu saniatigut napparsimalluni sulinngiffeqartarnerit paaserusuppakka, taakkua aamma suliniutit immikkuullarissunut ilumoortumik takutitsisuusinnaammata. Peqqinnissaqarfiup aqutsisui akisussaaffigaat – aammalu ilungersorlutik sulissutigaat missingersuutit eqqortinniarnarat. Taamaammallu aamma aningaasarsiat isiginiarneqarput. Aningaasarsianut aningaasatigut atuineruneq erseraagat aammalu overtime-qarnermi aningaasartuutini sipaaruteqarniarartoqartillugu peqqinnissaqarfimmi neqeroorutaasunut pingaarnersiuiernermi kinguneqartitsisinnaavoq. Ajornerpaamik inatsisunik tassungalu nalunaarutitut attuumasunut unioqqutitsinermik kinguneqarsinnaalluni. Tamanna siornatigut takoreersimavarput, soorlu kigutunik narlorissaatitut tunngasoq, siullertut sulisussaaleqineq peqqutigalugu neqeroorutaasunik "matusinertut" nalunaarutigineqariarluni naggataatigut kingutunik narlorissartinnissamut misissuisarnermi allannguineramik nassuiarneqarluni.

Aammattaaq sineriammi illoqarfinni mikinerni nakorsaqaarniarneq ajornakusoornarpoq. Uagut tassaasugut politikarit kingullertut akisussaaffigaarput sulisut sulinermi naammaginartunik atugassaqaartinnissaat, taamaalinikkullu sullissinerup ingerlanneqarsinnaanera isumannaarneqarsinnaanngortillugu. Aningaasanik atugassarititaasunik sakkortuumik tulleriarnermi aammalu peqqinnissaqarfiup sannaata allanngorsarnerani sulinermi avatagiisit eqqartorneqarsimanngimmata assut eqqarsaatissiisuusoraara.

Taamaammallu pisariaqartuusoraara sulinermi avatagiisinut tunngassusillit sammisamut ilanngunneqarnissaat, tassami aqqissuussisimaneq taama annertutigisoq inunnut, inuiaqatigiinnut aningaasatigullu initoorujummat. Taamaammat pisariaqarluinnarpoq overtime-qarnermi aningaasartuutit ilisimanissaat, tamanna suliffinnut inuttaqartinneqanngitsunut, napparsimanernut, ulapinnermut aammalu tassunga attuumassusilinnut sulinermi avatagiisinut takussutaasinnaammata.

Kissaatigaara apeqqutima ullut sulliviit naliginnaasut qulit iluanni akineqarnissaat.